



QQI

Quality and Qualifications Ireland
Dearbhú Cáilíochta agus Cáilíochtaí Éireann

LEABHRÁN EOLAIS D'IARRTHÓIRÍ

Comórtas Oscailte do 3 x Phost mar Phríomhoifigeach Cúnta

An dáta deiridh: 10 Meitheamh 2021

**Déan teagmháil le: Hazel Whelan
Recruitment Plus
20 Bóthar Chill Mhochuda Íocht.
Stigh Lorgan
Co. Bhaile Átha Cliath
Fón: +353 1 2788610**

Ríomhphost: qqi@rplus.ie

Stádas an Chonartha: Tá an QQI ag earcú do phoist Chonartha Bhuan.

D'fhéadfadh go mbeadh poist chonartha ar fáil freisin agus féadfar painéal d'iarrthóirí oiriúnacha a bhunú.

Údarás: Dearbhú Cáilíochta agus Cáilíochtaí
Éireann

Suíomh: 26 – 27 Lána Denzille, Baile
Átha Cliath 2

AN CLÁR

Maidir Le Dearbhú Cáilíochta agus Cáilíochtaí Éireann.....	3
Sonraíocht an Phoist.....	5
Príomhchoinníollacha Seirbhíse.....	7
Cuid II (Coinníollacha eile a bhaineann le daoine a cheapfaí sap host seo).....	7
Modhanna Roghnúcháin	11
Na Hachtanna um Chosaint Sonraí, 1988 agus 2018	13

Maidir le Dearbhú Cáilíochta agus Cáilíochtaí Éireann

Is é Dearbhú Cáilíochta agus Cáilíochtaí Éireann an ghníomhaireacht neamhspleách stáit atá freagrach as cáilíocht agus cuntasacht a chur chun cinn i seirbhísí oideachais agus oiliúna in Éirinn. Tá roinnt feidhmeanna tábhachtacha ag an QQI:

An tÚdarás Cáilíochtaí

I réimse na gcáilíochtaí, táimid freagrach as an [CNC](#) (An Creat Náisiúnta Cáilíochtaí) deich leibhéal a chothabháil. Is comhlacht dámhachtana muid, leis, agus déanaimid caighdeán na ndámhachtainí a dhéanaimid sa CNC a shocrú agus a athbhreithniú. Cuirimid comhairle ar fáil, leis, ar aitheantas do cháilíochtaí eachtracha in Éirinn agus ar aitheantas do cháilíochtaí Éireannacha thar lear. Foilsíonn an QQI eolaire de sholáthraithe agus de dhámhachtainí an CNC.

Dearbhú Cáilíochta

Táimid freagrach as athbhreithniú a dhéanamh ar a éifeachtaí atá dearbhú cáilíochta i soláthraithe breisoideachais agus ardoideachais agus oiliúna, lena n-áirítear:

- ollscoileanna,
- institiúidí teicneolaíochta,
- Boird Oideachais agus Oiliúna (BOOnna)

Déanaimid cáilíochtaí soláthraithe sna hearnálacha príobháideacha breisoideachais agus ardoideachais agus oiliúna a dhearbhu, leis, agus ceadaímid cláir dá gcuid as a leanann dámhachtainí an QQI.

Ag obair do Dhearbhú Cáilíochta agus Cáilíochtaí Éireann

Tugann gairm leis an QQI deis uathúil chun seirbhísí agus rialáil thábhachtach a sholáthar ar fud na hearnála breisoideachais agus oiliúna agus san earnáil ardoideachais araon.

Thug an tAcht Leasaithe um Cháilíochtaí agus Dearbhú Cáilíochta (Oideachas agus Oiliúint) (Leasú) 2019 deiseanna agus dúshláin nua don fhoireann atá ann cheana agus d'earcaigh nua maidir le feidhmeanna rialála agus feidhmeanna reachtúla nua eile sna blianta amach romhainn.

Foráiltear san Acht do na nithe seo a leanas:

- Liostóidh an QQI forais cháiliúcháin amhail forais ghairmiúla nó forais idirnáisiúnta cháiliúcháin agus cuirfead a gcáilíochtaí a chur san áireamh ar an gCNC.
- Bonn dlíthiúil don QQI chun oiriúnacht chorparáideach soláthraithe a scrúdú, lena n-áirítear comhlíonadh an dlí idirnáisiúnta fostaíochta.

- Marc Idirnáisiúnta Oideachais le haghaidh earnálacha an Ardoideachais agus Mhúineadh an Bhéarla.
- Scéim náisiúnta a bhunófar chun foghlaimeoirí cláraithe a chosaint i gcás go ndúnann soláthraí go tobann.
- Ionchúiseamh muilte aistí agus cineálacha eile caimiléireachta acadúla á dhéanamh ag an QQI.
- Institiúidí teicneolaíochta a bhunú mar fhorais cháiliúcháin neamhspleácha.
- Cosáin trínar féidir le hinstiúidí príobháideacha ollscoil a thabhairt orthu féin.

Táimid ag súil le Príomhoidí Cúnta a cheapadh sna Poist seo a leanas:

1. **Bainisteoir Dearbhaithe Cáilíochta**
2. **Bainisteoir Deimhniúcháin / Digitithe.**
3. **Bainisteoir ar Fhorais Cháiliúcháin Liostaithe (LAB)/ Clár Cáilíochtaí na hÉireann (IRQ)/ Micrea-dhintiúir.**

Sochair d'Fhostaithe

Cosúil le go leor fostóirí, idir phoiblí agus phríobháideach, tá an QQI ag obair le linn tréimhse dhúshlánach mar gheall ar an bpaindéim COVID-19. Mar sin féin, bhíomar in ann oiriúnú d'obair ó bhaile go tapa agus go héifeachtach mar gheall ar ár n-infheistíocht leanúnach sa teicneolaíocht agus inoiriúnaitheacht agus solúbthacht ár bhfostaithe.

Is mór againn ár bhfostaithe agus infheistimid ina sláinte, ina leas agus ina sábháilteacht ag an obair agus déanaimid soláthar do Chlár Cúnaimh d'Fhostaithe. Soláthraímid tacaíocht agus spreagadh a theastaíonn don fhoireann chun go gcomhlíonfaidh siad gach gealladh atá fúthu trí dheiseanna oideachais agus oiliúna. Cuirimid uaireanta solúbtha, obair dhúshlánach agus tairbhí ar fáil freisin a chuimsíonn:

- Ballraíocht i Scéim Aoisliúntais
- Scéim Saoire Bhreitheachta
- Obair ón mBaile
- Saoire Am Téarma
- Saoire Tuismitheora
- Sosanna Gairme
- Saoire Scrúduithe agus Staidéir

Déanaimid soláthar don iliomad roghanna coigilte cánach do sholáthraithe iompair éagsúla. Táimid páirteach sa scéim Rothar chun na hOibre agus éascaímid roinnt asbhaintí árachais sláinte agus asbhaintí párolla eile.

[Marc KeepWell](#)

Tá aitheantas faighte ag an QQI ó IBEC as a ndáiríre atáimid faoi fholláine na bhfostaithe. Tá an Marc KeepWell bainte amach againn a aithníonn go gcuireann QQI folláine na bhfostaithe chun tosaigh i mbeartais an Údaráis.



Is Fostóir Comhdheiseanna é an QQI

Gheofar tuilleadh eolais ar obair Dhearbhú Cáilíochta agus Cáilíochtaí Éireann ag www.qqi.ie

Sonraíocht an phoist

Tá QQI ag earcú Príomhoifigigh Cúnta ar bhonn lánaimseartha chun oibriú inár Stiúrtóireachtaí Dearbhaithe Cáilíochta agus Cáilíochtaí. Is iad na ról shonracha:

1. **Bainisteoir Dearbhaithe Cáilíochta (DC)**

Sannfar an Bainisteoir DC don Stiúrtóireacht Dearbhaithe Cáilíochta. Beidh an Bainisteoir DC freagrach as próisis dearbhaithe cáilíochta agus athbhreithnithe do sholáthraithe oideachais threasacha a fhorbairt agus a oibriú.

Riachtanach

Iarrthóirí ar spéis leo cur isteach ar ról an Bhainisteora DC, ba chóir cúlra agus taithí láidir a bheith acu san oideachas iar-mheánscoile (breisoideachas nó ardoideachas), taithí bhainistíochta líne trí bliana ar a laghad agus taithí shármhaith ar thuarascálacha a scríobh agus a anailísiú.

2. **Bainisteoir Deimhniúcháin/Digitithe**

Is cuid ríthábhachtach d'obair QQI é an deimhniú, a chuimsíonn os cionn 200,000 dámhachtain a eisiúint gach bliain do mhic léinn breisoideachais agus ardoideachais phríobháidigh. Déanfaidh an Bainisteoir Deimhniúcháin/Digitithe bainistíocht ar an Aonad Deimhniúcháin agus treoróidh sí/sé an t-aistriú beartais i dtreo deimhniú digiteach ar cháilíochtaí.

Riachtanach

Ba cheart go mbeadh taithí ag iarrthóirí ar spéis leo cur isteach ar phost an Bhainisteora Deimhniúcháin/Digitithe ar oibriú i dtionscadail digitithe nó iad a bhainistiú, taithí agus eolas bainistíochta tionscadail den scoth, tuiscint agus taithí ar obair le hardáin iolracha TFC. Ba cheart go mbeadh taithí ag iarrthóirí ar thionscadail bhainistíochta ar athrú a threorú, ag gníomhú mar cheannaire ar an athrú agus mar bhall lárnaigh d'fhoireann a chuireann sármhaitheas próisis i bhfeidhm.

Inmhianaithe

Taithí ar obair le Microsoft Dynamics 365, eolas ar phrótacail chun cailteanas sonraí a chosc chun gluaiseacht sonraí a bhainistiú, tuiscint ar phróisis ghnó agus ar iad a bheachtú chun éifeachtúlacht a mhéadú agus eolas ar uirlisí staitistiúla le haghaidh léirshamhlú sonraí

3. Bainisteoir ar LAB/IRQ/ Micrea-dhintiúir

Is feidhm nua de chuid QQI agus cuid lárnach d'obair QQI é forbairt bhreise ar [Chlár Cáilíochta na hÉireannn \(irq.ie\)](#) ar clár reachtach é. Cuimseoidh leathnú an IRQ dámhachtainí na gcomhlachtaí dámhachtana ainmnithe (lena n-áirítear cáilíochtaí micrea-dhintiúir) agus a soláthraithe nasctha a liostú. Is gá Príomhoide Cúnta chun an fheidhm reachtúil nua seo a bhainistiú tar éis thosach feidhme an ailt ábhartha d'Acht 2019.

Riachtanach

Iarrthóirí ar spéis leo cur isteach ar ról an Bainisteoir ar LAB/IRQ/ Micrea-dhintiúir, ba chóir cúlra agus taithí láidir a bheith acu san oideachas iar-mheánscoile (breisoideachas nó ardoideachas), taithí bainistíochta líne trí bliana ar a laghad agus taithí sármhaith ar thuarascálacha a scríobh agus a anailísiú.

Inmhianaithe

Taithí agus eolas oibre ar an gCreat Náisiúnta Cáilíochtaí, an Córas Eorpach Aistrithe agus Creidiúna (ECTS), Limistéar Eorpach an Ardoideachais agus Próiseas Bologna agus Creatáil Idirnáisiúnta Oideachais i gcoitinne.

Eolas agus Taithí Bhreise Riachtanach

Chomh maith leis na riachtanais thuas maidir leis na rólí shonraithe 1 go 3, caithfidh iarrthóirí a bheith in ann na hinniúlachtaí seo a leanas atá ábhartha do ról Phríomhoide Cúnta a léiriú:

Bainistíocht agus seachadadh torthaí: Ba cheart d'iarrthóirí scileanna eagrúcháin agus bainistíochta ar leibhéal sinsearach a léiriú, inter alia, agus cumas cruthaithe chun dul in oiriúint do chúinsí atá ag athrú, agus oibriú faoi bhrú i dtimpeallacht chasta e.g. oideachas / bainistíocht / rialáil srl.

Ceannaireacht: Ba cheart d'iarrthóirí taithí a léiriú ar fhoireann a bhainistiú agus a thacú agus ar thimpeallacht tháirgiúil foirne a chothú.

Anailís, cinnteoireacht: Ba cheart d'iarrthóirí scileanna smaointeoireachta criticiúla agus fadhbréitigh den scoth a thaispeáint.

Scileanna idirphearsanta agus cumarsáide Ba cheart go mbeadh scileanna cumarsáide béil agus scríofa den scoth ag iarrthóirí, agus cumas cruthaithe chun raon éagsúil caidrimh le páirtithe leasmhara ar leibhéal sinsearach a bhainistiú agus a threorú.

Saineolas speisialtóra: Ba cheart d'iarrthóiríaineolas speisialtóra a léiriú a bhaineann leis na poist shonraithe.

Príomhchoinníollacha Seirbhíse

Cuid 1 (Coinníollacha a bhaineann go sonrach leis an bpost seo)

Pá

Seo a leanas an scála tuarastail don phost seo:

€69,012, €, €71,506, €73,988, €76,476, €78,960, €80,392, €82,899⁽¹⁾, €85,415⁽²⁾.

(1) Tar éis seirbhís shásúil 3 bliana ag an uasmhéid.

(2) Tar éis seirbhís shásúil 6 bliana ag an uasmhéid.

Féadfar breiseanna a dhámhadh faoi réir sheirbhís shásúil agus athruithe sna téarmaí agus coinníollacha maidir le breiseanna tuarastail sa tSeirbhís Shibhialta/Phoiblí i gcoitinne.

Féadfar an ráta pá a mhionathrú ó am go chéile ar aon dul le beartas pá an Rialtais.

Tuarastal:

Déanfar an ceapachán ar an scála tuarastail ag pointe atá ar aon dul le beartas pá reatha an Rialtais. Tosóidh iontrálaithe nua isteach sa státseirbhís nó san earnáil phoiblí, mar a shainítear iad i gCiorclán 18/2010, ar an gcéad phointe den scála tuarastail.

Is féidir go mbeidh pá agus coinníollacha difriúla i bhfeidhm, má bhí an ceapaí ina státseirbhíseach nó ina sheirbhíseach poiblí roimh an cheapachán.

Saoire Bhliantúil:

30 lá oibre a bheidh sa tsaoire bhliantúil. Níl laethanta saoire phoiblí san áireamh ansin.

Uaireanta Tinrimh:

Beidh na huairéanta oibre de réir ghnáthshocruithe an QQI agus ionann agus líon uaireanta nach lú ná 37 (glan ar shosanna) sa tseachtain.

Ní íocfar aon suim bhreise as tinreamh breise toisc go gclúdaíonn an ráta luach saothair aon tinreamh breise eisceachtúil a d'fhéadfadh a bheith de dhíth ó am go chéile.

Cuid II (Coinníollacha eile a bhaineann le daoine a cheapfaí sa phost seo)

1. Tionacht: Post buan sa QQI a bheidh anseo.

Ní mór don té a cheapfar tréimhse phromhaidh a chomhlíonadh, a mhairfidh 12 mhí de ghnáth. Má bhíonn seirbhísí an cheapaí sásúil ó thaobh sláinte, iompar agus éifeachtúlacht i gcoitinne le linn na tréimhse promhaidh, ceapfar an duine sin ar bhonn buan ag deireadh na tréimhse. Má bhíonn an tseirbhís neamhshásúil, féadfar an ceapachán a fhoirceannadh uair ar bith le linn na tréimhse promhaidh.

2. Dualgais: Beifear ag súil go gcomhlíonfaidh an té a cheapfar gach dualgas a bhaineann leis an bpost seo (a d'fhéadfaí a athbhreithniú ó am go chéile).

3. **Fostaíocht Lasmuigh den Eagraíocht** Post lánaimseartha é seo agus ní mór don té a cheapfar aon bhaint le fostaíocht/leasanna gnó lasmuigh a sheachaint, más amhlaidh go bhfuil siad nó go bhféadfaidís a bheith i gcoimhlint. Ní mór soiléiriú a iarraidh ón lucht bainistíochta má tá amhras ann.
4. **Saoire Bhreiteachta:** Is féidir saoire bhreiteachta ar phá iomlán a cheadú faoi lánrogha Dhearbhú Cáilíochta agus Cáilíochtaí de réir nósanna imeachta bunaithe agus coinníollacha don tseirbhís phoiblí i gcoitinne.
5. **Scor agus Aoisliúntas:** Tairgfear téarmaí pinsin agus coinníollacha aoise pinsin na seirbhíse poiblí don té a cheapfar de réir na socruithe pinsin sa QQI ag brath ar stádas an té a cheapfar:
 - a) I gcoitinne, beidh duine nach bhfuil aon stair seirbhíse poiblí inphinsin aici nó aige sna 26 seachtain roimh an cheapachán ina bhall den Scéim Pinsin Aonair Seirbhíse Poiblí (An Scéim Aonair) a thosaigh an 1 Eanáir 2013 (tagraíonn Alt 10 den Acht um Pinsin Seirbhíse Poiblí (Scéim Aonair agus Forálacha Eile) 2012 di);
 - b) Beidh duine ar bith atá ar iasacht ina bhall i gcónaí de scéim pinsin na máthairchuideachta agus bunófar an tuarastal inphinsin ar a ghrád nó a grád substaintiúil .i. an grád ag a bhfuil an duine sin fostaithe ina m(h)áthairchuideachta.
 - c) Duine ar bith a bhí ina bhall de “scéim pinsin seirbhíse poiblí atá ann cheana” mar a fhorléireofar san Acht um Pinsin na Seirbhíse Poiblí (Scéim Aonair agus Forálacha Eile) 2012 agus nach gcáilíonn do bhallraíocht sa Scéim Aonair, beidh sé nó sí ina bhall de Scéim Pinsin Foirne an QQI agus de Scéim Ghaolmhar na gCéilí agus na Leanaí;
 - d) An uair a thairgfear an ceapachán, déanfaidh an QQI i gcomhar leis an Roinn Oideachais & Scileanna agus an Roinn Caiteachais Phoiblí & Athchóirithe, más gá, i bhfianaise sheirbhís phoiblí an té a cheapfar roimhe sin agus/nó stair fostaíochta eile, na téarmaí agus coinníollacha cuí pinsin a chinnefidh a chuirfear i bhfeidhm go ceann thréimhse an cheapacháin. Ceanglófar ar cheapaithe a stair iomlán seirbhíse poiblí a nochtadh. Cuirfear sonraí na bhforálacha cuí pinsin ar fáil nuair a chinnefar stádas an té a cheapfar;

e) De réir fhorálacha an Achta um Aoisliúntas na Seirbhíse Poiblí (Forálacha Ilghnéitheacha). 2004, ní ceadmhach do bhaill foirne dul ar scor roimh a 65ú breithlá ach amháin más drochshláinte is cúis leis. Tá socruithe éagsúla scoir i bhfeidhm i gcás foireann a bhí fostaithe sa tseirbhís poiblí roimh an Acht 2004 réamhluaite;

f) Ba chóir aird a thabhairt ar na pointí seo a leanas:

- **Fabhrú Pinsin:** Beidh teorainn 40 bliain ar sheirbhís iomlán a áireamh i leith pinsin i gcás ina mbaineann an duine le níos mó ná scéim pinsin seirbhíse poiblí amháin atá ann cheana. Tháinig an Scéim Aonair, dá bhforáiltear san Acht um Pinsin Seirbhíse Poiblí (Scéim Aonair agus Forálacha Eile) 2012, isteach le héifeacht an 28 Iúil 2012. Is féidir go mbeidh impleachtaí ann d'aon cheapaí a bhfuil cearta pinsin faighte aici/aige i bhfostaíocht seirbhíse poiblí roimhe seo.
- **Laghdú Pinsin:** Leathnaíodh laghdú pinsin faoin Acht um Pinsin na Seirbhíse Poiblí (Scéim Aonair agus Forálacha Eile) 2012 ionas bhfuil go ndéantar laghdú ar phinsean seirbhíse poiblí duine ar bith a théann ar ais isteach i bhfostaíocht seirbhíse poiblí, fiú nuair is i réimse difriúil den tseirbhís poiblí an fhostaíocht nua. Ach más amhlaidh go raibh an té a cheapfar fostaithe sa státseirbhís roimhe seo agus gur bronnadh pinsean air/uirthi faoi shocruithe deonacha luathscoir (seachas Scéim Dreasaíthe Luathscoir (ISER) nó VER/VRS Fheidhmeannacht na Seirbhíse Sláinte, a chuireann an duine as an áireamh don chomórtas, mar a mhínítear thíos), beidh deireadh leis an teidlíocht ar íoc an phinsin sin ó dháta an athcheapacháin. Déanfar socruithe speisialta, áfach, chun seirbhís a thug an té an cheapaí roimhe seo a chur san áireamh ar mhaithe le haon dámhachtain pinsin amach anseo dá gcáileadh an duine sin.
- **Scéim Luathscoir do Mhúinteoirí na Roinne Oideachais agus Scileanna Imlitir 102/2007:** Thug an Roinn Oideachais agus Scileanna isteach Scéim Luathscoir do Mhúinteoirí. Is coinníoll é den Scéim Luathscoir, ach amháin i gcásanna atá leagtha amach i bparagraif 10.2 agus 10.3 den chiorclán reatha, agus sna cásanna sin amháin, má ghlacann múinteoir le scor luath faoi Shnáitheanna 1, 2 nó 3 den scéim seo agus má fhostaítear í nó é ina dhiaidh sin in aon cháil in aon réimse den earnáil poiblí, cuirfear deireadh láithreach le híoc pinsin an duine sin faoin scéim. .Atosófar den phinsean a íoc, más ea, ar chríoch na fostaíochta sin nó ar 60ú breithlá an duine sin, cibé acu is déanaí, ach ar a atosú, bunófar an pinsean ar sheirbhís inríofa iarbhír an duine sin mar mhúinteoir (.i. ní cuirfear na blianta breise a deonaíodh roimhe seo san áireamh agus an íocaíocht pinsin á ríomh).
- **Scor Drochshláinte:** Cuir san áireamh go bhféadfadh pinsean duine a chuaigh ar scor ó chomhlacht státseirbhíse/seirbhíse poiblí ar chúiseanna drochshláinte a bheith faoi réir athbhreithniú de réir rialacha na scéime scoir drochshláinte laistigh den scéim pinsin na fostaíochta sin.

6. **Asbhaint i leith Pinsin:** Tá an ceapachán seo faoi réir na hasbhainte maidir le pinsean de réir an Achta um Bearta Éigeandála Airgeadais ar Mhaithe le Leas an Phobail 2009. Gheofar tuilleadh eolais maidir le fadhbanna aoisliúntais seirbhíse poiblí ar an láithreán gréasáin seo a leanas: <http://per.gov.ie/pensions>

7. **Incháilitheacht chun dul san iomaíocht agus srianta áirithe ar incháilitheacht Riachtanais Saoránach.**

Ní mór d'iarrthóirí incháilithe a bheith i gceann de na grúpaí seo a leanas:

1. Saoránaigh den Limistéar Eorpach Eacnamaíoch (LEE). Ballstáit an Aontais Eorpaigh mar aon leis an Íoslainn, an Iorua agus Lichtinstéin atá i gceist leis an LEE; nó
2. Saoránaigh den Eilvéis de bhua chomhaontú idir an AE agus an Eilvéis ar shaorghluaiseacht daoine; nó
3. Saoránaigh neamh-LEE atá ina chéile nó ina leanbh de shaoránach LEE nó Eilvéiseach agus a bhfuil víosa stampa 4 aige; nó
4. Duine a bhfuil cosaint idirnáisiúnta faighte aige faoin Acht um Chosaint Idirnáisiúnta 2015 nó aon bhall teaghlaigh atá i dteideal fanacht sa Stát mar thoradh ar athaontú teaghlaigh agus a bhfuil víosa stampa 4 aige nó
5. Saoránaigh neamh-LEE ar tuismitheoir í/é de leanbh cleithiúnach atá ina shaoránach de bhallstát LEE nó den Eilvéis agus a bhfuil cónaí air nó uirthi ann agus a bhfuil víosa stampa 4 aici/aige.

Nóta maidir le saoránaigh an RA: Deimhníodh san idirbheartaíocht Brexit AE / RA a cuireadh i gcrích le déanaí go bhfuil an Comhaontú Comhlimistéar Taistil le fada an lá idir an RA agus Éire gan athrú tar éis an Bhreiteimeachta. Dá réir sin, tá saoránaigh na RA incháilithe chun dul i mbun oibre agus cónaí in Éirinn gan srian agus, dá bharr sin, iarratas a dhéanamh chun dul isteach sa chomórtas seo i gcás ina gcomhlíonann siad na critéir incháilitheachta cáilitheachta eile go léir

8. **An Scéim Luathscoir Dreasaíthe:** Is coinníoll é den Scéim Luathscoir Dreasaíthe, mar atá leagtha amach in Imlitir 12/09 na Roinne Airgeadais, toirmeasc a bheith ar lucht scoir, faoin scéim sin, iarratas a dhéanamh ar phost eile san fhostaíocht nó san earnáil chéanna. Mar sin, ní ghlacfar le hiarratais ó dhaoine atá ag baint leas as an scéim sin.
9. **Ciorclán na Roinne Sláinte agus Leanaí (7/2010):** Tugadh isteach le Ciorclán 7/2010 na Roinne Sláinte agus Leanaí den 1 Samhain 2010 Spriocscéim le haghaidh Luathscor Deonach (VER) agus Iomarcaíocht Dheonach (VRS). Is coinníoll den scéim VER é nach gcáileoidh daoine a bhaineann leas as an scéim le cur isteach ar athfhostaíocht san earnáil sláinte phoiblí nó san earnáil phoiblí i gcoitinne, nó i gcomhlacht a mhaoinítear go hiomlán nó go páirteach as cistí poiblí. Tá feidhm ag an gcosc céanna ar athfhostaíocht faoin scéim VRS ach ní mhairfidh an cosc ach go ceann seacht mbliana agus caithfidh an tAire Caiteachais Phoiblí agus Athchóirithe toiliú a thabhairt i gcás aon athfhostaithe ina dhiaidh sin. Daoine a bhain leas as aon cheann den dá scéim sin, ní cháileoidh siad chun dul isteach sa chomórtas seo.
10. **Comhaontú Comhchoiteann: Íocaíochtaí Iomarcaíochta le Seirbhísigh Phoiblí**
Le litir ón Roinn Caiteachais Phoiblí agus Athchóirithe dar dáta an 28 Meitheamh 2012 d'Oifigigh Pearsanra, tugadh isteach, le héifeacht ó 1 Meitheamh 2012, Comhaontú Comhchoiteann a rinneadh idir an Roinn Caiteachais Phoiblí agus Athchóirithe agus Coiste Seirbhísí Poiblí an ICTU maidir le híocaíochtaí iomarcaíochta ex-gratia do sheirbhísigh phoiblí. Is coinníoll den Chomhaontú Comhchoiteann é nach mbeidh daoine a bhaineann leas as an gcomhaontú cáilithe lena n-athfhostú sa tseirbhís phoiblí in aon chomhlacht seirbhíse poiblí (mar a shainítear sna Beartais Éigeandála Airgeadais sna hAchtanna um Leas an Phobail 2009-2011) go ceann dhá bhliain ó fhoirceannadh na fostaíochta. Ina dhiaidh sin beidh toiliú an Aire Caiteachais Phoiblí agus Athchóirithe de dhíth sula n-athfhostaítear an t-iarrthóir. Daoine a bhain leas as an scéim seo agus a

d'fhéadfadh áit a bhaint amach sa chomórtas seo, beidh orthu a chruthú go gcáilíonn siad chun an post a ghlacadh (deireadh a bheith tagtha leis an tréimhse neamhcháilitheachta) agus beidh toiliú an Aire de dhíth sular féidir glacadh le haon fhostaíocht le comhlacht seirbhíse poiblí.

11. Dearbhú stair fostaíochta seirbhíse poiblí roimhe seo:

Iarrfar ar iarratasóirí dearbhú a thabhairt cibé ar bhain siad leas roimhe seo as scéim luathscoir dreasaithe seirbhíse poiblí. agus/nó as an gcomhaontú comhchoiteann a rianaíodh thuas. Beidh ar iarratasóirí, leis, dearbhú a thabhairt maidir le haon teidlíocht atá acu ar phinsean Seirbhíse Poiblí (atá á hÍoc nó á chaomhnú) ó aon fhostaíocht Seirbhíse Poiblí eile agus/nó cibé an bhfuair siad íocaíocht in ionad i dtaca le haon seirbhís in aon fhostaíocht Seirbhíse Poiblí.

An Próiseas Iomaíochta

Conas iarratas a dhéanamh:

Ba chóir iarratas a dhéanamh trí CV reatha agus litir chumhdaigh a chur isteach, mar aon le ráiteas tacaíochta mar a mhínítear thíos ina leagtha amach a oiriúnaí atá an t-iarrthóir don phost, i ríomhphost chuig Hazel Whelan, Ríomhphost qqi@rplus.ie roimh 4 tráthnóna ar an **10 Meitheamh 2021**. Nó is féidir iarratas a chur leis an bpost chuig Hazel When, Ref QQI, Recruitment Plus, 20 Bóthar Chill Mhochooda Íocht., Steach Lorgan, Co. Bhaile Átha Cliath

Ráiteas Tacaíochta: I ráiteas tacaíochta, abair cén post nó cad iad na poist a bhfuil tú ag cur isteach orthu:

1. *Bainisteoir Dearbhaithe Cáilíochta*
2. *Bainisteoir Deimhniúcháin/Digitithe*
3. *Bainisteoir ar Fhorais Cháiliúcháin Liostaithe/ Clár Cáilíochtaí na hÉireann/ Micreadhintiúir*

na cúiseanna a bhfuil tú ag cur isteach ar an bpost/ar na poist seo. Déan tagairt do na hinniúlachtaí atá leagtha amach sa roinn "Eolas agus Taithí Riachtanach" agus mínigh an tslí a gcomhlíonann tú gach inniúlacht díobh trí shampla amháin ar a laghad a sholáthar.

Ceanglófar ar iarratasóirí dearbhú mar atá tugtha i bparagraf 11 a sholáthar.

[Ní ghlacfar le hiarratais tar éis an dáta deiridh](#)

Modhanna Roghnúcháin

Is féidir iarrthóirí a ghearrliostú ar bhonn na faisnéise a chuireann siad ar fáil ar a bhfoirm iarratais mar chuid den phróiseas roghnúcháin

- agallamh
- teistiméireachtaí sásúla (ní dhéanfar teagmháil le teistiméirí gan comhaontú an iarrthóra a fháil roimh ré)

Forchoimeádan Dearbhú Cáilíochta agus Cáilíochtaí Éireann an ceart iarraidh ar iarrthóirí an dara hagallamh a dhéanamh.

Gearrliostú

De ghnáth is mó iarratas a fhaightear ar phost ná an líon is gá chun folúntais atá anois ann agus folúntais todhchaí sa phost seo a líonadh. I gcás ina gcomhlíonann iarrthóir riachtanais cháilitheachta an chomórtais, más amhlaidh go gcuireann líon chomh mór sin isteach ar an gcomórtas nach mbeadh sé praiticiúil an uile iarrthóir a chur faoi agallamh, féadann an QQI cinneadh a dhéanamh gan ach líon beag a chur faoi agallamh. Maidir leis seo, déanann an QQI soláthar le haghaidh próiseas gearrliostaithe chun grúpa a roghnú le cur faoi agallamh ar cosúil, bunaithe ar scrúdú ar na foirmeacha iarratais, gurb iad is oiriúnaí don phost. Scrúdóidh bord saineolaithe na foirmeacha iarratais i gcomparáid le critéir réamhshainithe bunaithe ar riachtanais an phoist. Ní hionann sin is a rá go bhfuil na hiarrthóirí eile neamhoiriúnach nó neamhábalta don phost, ach go bhfuil iarrthóirí áirithe a ndéalraíonn sé, bunaithe ar a bhfoirm iarratais, go bhfuil cáilíochtaí nó taithí níos ábhartha acu. Mar sin is é do leas é cuntas mionsonraithe agus cruinn ar do cháilíochtaí/taithí a chur ar fáil i d'iarratas.

Rúndacht

Faoi réir fhorálacha an Achta um Shaoráil Faisnéise, 1997, leasaithe, caithfear le gach iarratas mar iarratas faoi rún.

Eolas tábhachtach eile

Ní bheidh an QQI freagrach as aon chostais a thabhoídh iarrthóirí.

Ní chiallaíonn sé, má ghactar le duine isteach i gcomórtas, nó má fhaigheann sí/sé cuireadh chun agallaimh, go bhfuil an QQI sásta go gcomhlíonann an duine sin riachtanais an chomórtais nó nach bhfuil sí/sé dícháilithe faoin dlí don phost agus ní aon ráthaíocht é go mbreithneofar an t-iarratas tuilleadh. Tá sé tábhachtach, mar sin, go dtuigfeá gur ortsa an t-ualach a chinntiú go gcomhlíonann tú na riachtanais cháilitheachta don chomórtas sula dtagann tú chun agallaimh. Mura gcomhlíonann tú na bunriachtanais iontrála seo ach má thugann tú chun agallaimh, beidh tú ag tarraingt costais neamhriachtanacha ort féin.

Sula moltar iarrthóir ar bith a cheapadh sa phost seo, déanfaidh an QQI gach fiosrú is dóigh atá riachtanach chun a fháil amach an bhfuil an t-iarrthóir oiriúnach. Ní féidir aon chinneadh deiridh a dhéanamh go dtí go mbeidh gach céim den phróiseas earcaíochta curtha i gcrích, agus níor chóir a mheasadh ná glacadh leis go bhfuil an cinneadh déanta.

Má dhiúltaíonn an té a mholtar don phost glacadh leis an bpost, nó tar éis glacadh leis, má fhágann sí/sé é nó má thagann folúntas breise chun cinn, féadfaidh an QQI, faoina lánrogha féin, duine eile a roghnú agus a mholadh lena cheapadh, bunaithe ar thorthaí an phróisis roghnúcháin seo.

Oibleagáidí Iarrthóirí

Cuirtear in iúl d'iarrthóirí go ndícháileoidh canbhasáil agus go gcuirfear amach as an gcomórtas iad dá bharr.

Níor chóir d'iarrthóirí:

- faisnéis bhréagach a chur ar fáil go heolach nó go meargánta
- duine ar bith a chanbhasáil le spreagadh nó gan spreagadh
- cur isteach ar an bpróiseas nó dochar ar bith a dhéanamh dó

Ní ceadmhach do thríú páirtí iarrthóir a phearsanú ag céim ar bith den phróiseas.

Duine ar bith a sháraíonn ceann de na forálacha thuas nó a chabhraíonn le duine ar bith aon cheann de na forálacha thuas a shárú, beidh sé nó sí ciontach i gcoir. Duine ar bith a fhaightear ciontach i gcion, dlífead fíneáil agus/nó téarma príosúnachta air/uirthe.

Anuas ar sin, i gcás ina raibh nó ina bhfuil duine a ciontaíodh i gcion ina iarrthóir sa phróiseas earcaíochta, ansin:

- i gcás nár ceapadh sa phost í/é, dícháileofar í/é mar iarrthóir; agus
- i gcás inar ceapadh é/í tar éis an phróisis earcaíochta i dtrácht, géillfidh sé/sí an ceapachán sin.

Iarrthóireacht a mheas mar iarrthóireacht atá tarraingthe siar

Iarrthóirí nach dtagann chun agallaimh nó scrúdaithe eile san áit agus ag an am a shocróidh an QQI, nó nach soláthraíonn fianaise a iarrann an QQI orthu, nuair a iarradh é, maidir le haon ghnó atá bainteach lena n-iarrthóireacht, ní bheidh siad i dteideal aon bhreithnithe eile.

Seirbhís Cháilíochta do Chustaiméirí

Féachaimid le seirbhís ar ardchaighdeán a chur ar fáil dár gcustaiméirí uile. Má tá tú míshona, ar chúis ar bith, le gné ar bith den tseirbhís a fuair tú uainn, iarraidimid ort é sin a chur in iúl don aonad nó don bhall foirne i dtrácht. Tá tábhacht leis seo mar go gcinntíonn sé go mbíimid ar an eolas faoin bhfadhb agus gur féidir linn gníomhú chun an fhadhb a réiteach.

Cuirfear aiseolas ar fáil ach iarratas a dhéanamh i scríbhinn.

Na hAchtanna um Chosaint Sonraí, 1988 -- 2018

Comhlíonfaidh ár bpróisis earcaíochta uile na riachtanais reachtacha maidir le cosaint sonraí. Nuair a gheofar d'fhoirm iarratais, cruthófar taifead faoi d'ainm, ina gcoinneofar mórchuid den fhaisnéis phearsanta a chuireann tú ar fáil. An bonn le do shonraí pearsanta a phróiseáil ná d'iarratas a phróiseáil don phost leis an QQI a ndearna tú iarratas air.

Coinnítear an t-eolas sin faoi réir na gceart agus na n-oibleagáidí atá leagtha amach sna hAchtanna um Chosaint Sonraí, 1988 & 2018.

Coimeádtar taifid/páipéir ar feadh tréimhse réasúnta agus diúscaítear ansin iad de réir ár sceidil Coinneála Taifead.

Ráiteas Príobháideachta an Iarratasóra Rialtóir Sonraí - Quality and Qualifications Ireland

Cuspóir na Próiseála

Seolann an QQI próisis earcaíochta chun folúntais san eagraíocht a líonadh. Agus iarratasóirí ag cur isteach ar na comórtais seo, iarrtar orthu raon doiciméad a chur isteach, m.sh. foirm iarratais, CV agus/nó litir chlúdaigh.

Faighteoir/Comhroinnta le	Cúis
Recruitment Plus/QQI HR	Iarratais a fháil agus a admháil agus comhfhreagras a dhéanamh le hiarratasóirí. Is gá faisnéis áirithe le cur san áireamh i gconarthaí d'iarratasóirí a n-éiríonn leo.
Bord Roghnúcháin	Faisnéis is gá don ghearrliostú agus don phróiseas agallaimh.
Fostóir reatha	Seiceálacha ar shaoire bhreiteachta agus seiceálacha ar theistiméirí i gcás iarratasóirí nach seirbhísigh phoiblí iad.

Teidlíochtaí na nIarratasóirí

Aithníonn go bhfuil teidlíochtaí ag iarratasóirí agus tá na teidlíochtaí sin leagtha amach thíos.

Rochtain

- Féadfaidh iarratasóirí a gcuid sonraí a iarraidh agus a fháil uair ar bith agus cóip de na sonraí seo a iarraidh agus a fháil, i bhformáid leictreonach/inaistrithe.

Léirsciosadh

- Féadfaidh iarratasóirí léirsciosadh na sonraí atá i seilbh a iarraidh.

Ceartú

- Féadfaidh iarratasóirí ceartú a dhéanamh ar aon fhaisnéis mhícheart.

Agóid

- Féadfaidh iarratasóirí agóid a dhéanamh in aghaidh phróiseáil na faisnéise seo.

Gearán

Féadfaidh iarratasóirí gearán a dhéanamh lenár nOifigeach Cosanta Sonraí "OCS" (sonraí teagmhála thíos) agus/nó gearán a dhéanamh leis an údarás cuí – an Coimisiún um Chosaint Sonraí in Éirinn.

Sonraí teagmhála OCS an QQI

Ríomhphost: dpo@qqi.ie

Nó

An tOifigeach Cosanta Sonraí
Dearbhú Cáilíochta agus Cáilíochtaí Éireann
26 – 27 Lána Denzille
Baile Átha Cliath 2.

D02 P299

Gheofar tuilleadh eolas ar chosaint sonraí:

Ar shuíomh gréasáin an Choimisinéara Cosanta Sonraí – www.dataprotection.ie

Déan teagmháil le hOifig an Choimisinéara Cosanta Sonraí ar an bhfón ar 1890 252231 nó le ríomhphost ar info@dataprotection.ie